

UUT'T OLDE VODDEN

Der bunt nog al wat mense
Dee neet van werken holt!
Dat werken vake nuttug is
Dat löt eur gewoon kold!

Och, tis noatuurluk zo
Dat werk wel us eéntonug is,
Moor ai an twerk een hekel hebt
Dan is ter toch wat mis!

De pes an werken neumt ze dat
En dat is neet zo bes!
s Margens vlot druut, nee ze ligt
Zo lange meugluk int nes!
As tan tied van beginnen is
Kik twerk eur gewoon an,
En ze wilt tan ok een possie
Zo klein meugeluk ast kan!

Arbeid adelt was ut vrögger,
Dat stön ok in menug lied!
Toch zeie wiewel us stiekem:
„Moor de adel arbeit niet!”

tIs wel zo, een bepööld soort werk
Wooran iej ech een hekel hebt,
Ai dat toch op mot knappen
Dan veul ie oew wat genept!

Ai wat oew tbeste liekt
Der moor uutezeken konnen
Dan hadde iej veur oew geveul
Al heel völle ewonnen.

Moor dat geet meestied neet,
Want tat vindt andren laf,
Zee denkt en zekt al gauw:
„Dan löp de kantjes traf!

De kantjes ter aflopen
Dat wilt ter völle wel
Dus as n trage dat zol redden
Dan heb iej zó een rel!

tGeet neet enke over n fabriek
Of werken in de stad,
Al ist in mindre moate
Ok in ons darp ziej dat!

Veur werk tzei klein of groot
Iej mot troew veur inspannen!
En zee zollen feitluk leever
Ut werk willen uut-bannen

Dr wod van alles bedach
Um der vanaf te kommen!
Noa de dokter biejeurbeeld
Goat ze met hele drommen!

Ut hén goan en door zitten
En dan weerumme goan
Das zó n kleine halve dag
. Dat ze niks tan hebt edoan!

Al hebt ze moor een wind
Dee neet vlot druut is egoan,
Dan zölt ze de andre margen
Weer op dokters stoepe stoan:

Och, dokter mot ter met lèven
(Hef mees vant fons zn loon)
Hee zal wel tabletjes geven,
Wat kan hee door noew an doon?

Dr bunt ok van dee zeeken
Met piene in de rugge,
Enklen hebt tat alleen umdat
Ze van werk neet hebt terugge!

Het smoesjen bieje dokter
Is wel us een betjen goor!
Dee zal tneet altied gleüven
Moor mot tran wennen moor!

Der bunt ter ok dee mot rusten
In tbedde, en goed warm,
' Allene ut veur eéchreven etten
Mag kommen in eur darm.

kHebbe us een keer ezeen
Patient werken achter zn huus,
Dat de contreleernde dokter
kwam,
kDache noew ist neet pluus!

Moor zien vrouwe had ut bezeen,
„Jan, Jan gaw tbedde in”
Zei ze, en toen leep zee
Noa veurn en leet dokter drin.

Moor dat dee zop eür menière!
Ze had ter völle moeite met,
En ondertussen lei eur keer!
Al prinslekker in ut bed!

Toe ze eindluk de deure lös had
' Zei ze: „Wat zat dee schoëve vas,
Mien man zol der wat an doon
As e moor zo zeek neet was!”

Dokter maakt ok gekke dinge met
tIs wel us een keer zo egoan
Dat um gewoon ut hoar
Hoas rech över end ging stoan!

Hee kwam us bieje een zeeke man
En begon vezichtug te zeggen:

„Het is een slechte tijding
Die ik u moet aan zeggen,

U bent wel echt erg ziek
Een paar maanden kan ik je geven
Als je heel kalm aan doet
Kun je zólang nog lèven”.

„O, dokter ik schrokke al
Toeje zei daj slechte tieding had,
kDache in mien makkluk lèven
Kump vaste noew de klad!

kWazze bange dat ter zol kommen
kWier al n betjen kold van binnen
kDenke noew geer e zeggen
Iej mot maandag weer beginnen!”

Door is ter in disse streek
Ok ene met een klein ongemak
Woor e neet goed met kan werken
Och, an werken hef e toch lak!

Van de dokter krig e millesiëne
De beste dee der bunt
Dokter zei: „kZal oew wat geven
Daj gaw ant werk weer kunt.”

Veur dokter ist een roadsel
tBlif net zo as ut is,
Hee dech hoe kan dat toch
Mien diagnose is vas neet mis!

k Moor twod nog steeds meet
better
Altied ist nèt zó nog.
Zo ist noew al een hele tied,
Dokter dech neet an bedrog.

Moor de veurugge wekke
Leet dee man zien buurman us
In zien schappekaste kiesen:
En dóor ston de hele klus!

Hee hef al dee millesiënen
Door in dee kaste ezet!
Ut bunt ter hele riejen,
tIs hoas een alfabet!

Hee zei: „kZal effen gek wèen
En nemmen dat grei ok in,
Dan wod k better en mok werken
Dan wilt ze dak weer begin!
Zo ziej hoë ok de dokter
Der toch moor in lopen kan!
Misschien as hee dit Lèest
Begrip hee dr noew wat van!

Ome Jehan.